

皇

明

史

概

皇明大政記卷之四

臣朱國禎謹輯

洪武十二年己未正月己巳朔 癸酉旌表節婦九人

乙亥罷天下運司批驗所三十二 己卯合祀天

地于南郊大祀殿奉

仁祖配

是夕澄霽星緯昭煥
慶雲彩煜上甚眾

勅諭百官下翰林院紀其事

沐英兼討洮州十八族叛番 有

司任瘴厲地方者減一考通敘

從倉副使李德之言

定丞相

御史大夫等官歲祿之數

始許監生歸省 丁玉

討松州叛酋平之 二月戊戌朔 曹公往西邊措

置 建神樂觀

定遣使外國儀注

辛亥召前丹

徙知縣李思迪于貶所俾訓國子 定公主郡縣主

歲祿之數 信公湯和等臨清練兵 洮州蠻悉平

築城置衛戍守 三月戊辰朔 太陰犯辰宿 辛

未暴風 給軍士布縷自製戰襖從布政華克勤之奏通行各邊

江西叅政劉璉逮下獄以基子特旨之 已丑 皇第十八

子棖生 謫學官李思迪馬懿顧間不肯對 上以綬默懷詐謫為勅諭

國子師生 四月丁酉朔 眉縣人彭普貴作亂殺知縣

顏師聖 皇第十九子棖生惠妃郭氏出 募浙人為較

尉 庚申日交暈 致仕官四品以下者皆陞一等

賜誥勅 五月丁卯朔給工匠鈔悉遣還家 免北

平稅課

松州叛苗平設衛戍守

閏五月丙申朔

太白晝見

丁未日本使來朝

庚申陞袁州通

判隋贊爲按察使

討叛且有善政

六月己丑朔

馬雲征

大寧

定東宮與親王往來書劄之式及相見禮儀

設北平各門兵馬司

賜元丞相驢兒書

乙酉

編春秋本末書成

七月乙未朔

海國公吳禎等

祔功臣廟

禎以五月卒

召曹公還京管大都督府事

大同兵破虜

太陰犯建星太白犯鬼宿

丁丑討

川賊彭普貴等平之

八月甲子朔

陝西湖廣械

獻番酋洞蠻宥死番發戍蠻分送羣牧所皆給糧贍

之 減案牘繁文 延安侯唐勝宗督海運還京上

遼東城池軍糧之數 九月甲午朔 沐英等大破

西番班師 巳酉改鳳陽行大都督府留守司爲留

守中衛指揮使司

占城入貢

以中書省不即奏切責胡惟庸汪廣洋等

龍巖縣民作亂討斬之 十月甲子朔 敘征西

將士功

召朱亮祖于廣東

所爲多不法

儒士吳沉爲

翰林侍制

十一月甲午朔

封仇成藍玉等十二

侯

濟寧侯顧時卒

馬雲平大寧

十二月癸亥

朔

神樂觀成

宋濂衍聖公皆來朝

賜如前

遺民

流至南京者卽與入籍賜鈔

諭中書選卜筮官

右丞相汪廣洋貶海南賜死 開西安府憇水渠

詔諭安南 所徵博學老成士皆至京 江西布政

使沈立本招元吏部侍郎伯顏子中不屈飲醢死

是歲除官二千九百八人儒士人才五百五十三人

墾田二十七萬餘頃

洪武十三年庚申正月癸巳朔 高麗入貢 不如約詰問之

戊戌誅左丞相胡惟庸等 御史中丞涂節告與御史大夫陳寧等謀反節以初

與謀從坐事連韓公李善長陸仲亨等赦不問 革中書省罷丞相不設

陞六部尚書各司所事分大都督府爲中左右前後

五軍都督府布告天下俟斯爲吏部尚書鄭九成爲

禮部尚書徐釋爲戶部尚書定其品秩以武官子

弟常安等百三十人爲叅侍舍人

安遇春再從臣也

己巳

上御奉天門選官

罷軍需庫置軍器局

戊申改雞

籠山爲鷄鳴山

罷各處兵馬司

覈天下倉庫積

穀多少之數空印者皆殺鄭士利上書坐輪作

洪

璽爲吏部尚書

百戶翁顯討廣東山寇戰死

二

月壬戌朔舉士及有術數者以聞

命文武官年六

十以上者聽致仕給以誥勅

沐英討和林脫火赤

愛以重定文武官歲給祿米俸鈔之數勒石

辛

巳太師李善長年老上所還儀仗許之

進曆以十

月朔日 三月壬辰朔 減蘇松嘉湖重額糧租

以京衛軍士充公侯儀仗戶

先以京民充至是改

鄧愈子鎮

襲封申國公 壬寅 太宗之國 戊申定六部官

制 分教官首領官雜職官爲三等 定吏員月俸

沐英涉流沙擒脫火赤愛等并其部曲以歸 定

公侯稱號

不稱散官稱開國等云云

定鹽場等則 四月辛酉

朔 降侍制吳沉爲編修 翰林應奉陳溥編修張

美和還鄉御製詩文賜之仍給道里費 都督濮英

襲虜西京破之開道通商 令羣臣各舉所知 助

教聶鉉賜歸 五月辛卯朔 陞各省都指揮使爲

正二品布政使爲從二品

原正三品

甲午雷震謹身殿

詔告天下肆赦并釋在京及臨濠屯田輸作者

左中丞安然歸里起李善

長理臺事

免天下今年田租

凡官員罪黜情非

實犯者遣赴京師授職罪自十惡以下皆赦

都督

濮英獲元平章阿王等數千人

癸丑

皇第二十

子松生

召教授吳源儒士王本等

署吏部尚書

劉崧致仕日本來貢却之

罷御史臺及各道按

察司

六月庚申朔免太原大同二府鹽課

查各

處軍餉及官吏月俸

丙寅雷震奉天門

罷王府工作

復吳沉侍制

罷各府照磨

阮峻爲吏部尚書

丁丑置諫院官左右司諫各一人正言各二人 戊

寅諭戶部軍民常用之物皆勿稅 己卯置行人司

判祿司 罷天下抽分竹木場 召儒士吳慎明劉

仲海等 禮部尚書俛斯致仕 延安侯唐勝宗督

造海船 以蘇恭讓為漢陽太守 臣戒錄成胡惟庸事

覺上命纂歷代諸侯王宗戚宦官悖逆不道者二百十二人備其行事以類書之頒布 是月

以天變避正殿 七月己巳朔 運陝西布于近邊

易米麥 詔京官復其家 甲子太白晝見 罷秘

書監悉歸翰林典籍 禁高麗使人毋擅入境其已至使入周誼留于京

師遣其通 罷寶鈔提舉司 谿洞民居京師者悉

聽還鄉

倭寇廣州

八月二日庚申

皇第二十

一子模生

祭歷代功臣用常服行禮

置應天府

學

給天下師生廩膳

九月戊子朔

永嘉侯朱

亮祖卒

日本再貢俱却之

命天下諸司正官首

領來朝明年正旦

乙巳

聖壽節始御前殿受賀

大宴後殿

前固却不舉自後歲以為常

丙午置四輔官告

太

廟以王本李佑龔敦為春官杜敦趙民望吳源為

夏官俱賜勅

詔戒守令

祭不備物者論如律非

土產聽缺

陝西衛軍以三分之二屯田

召儒士

張叔濂梁俯賈惟岳宋訥等

安置宋濂于茂州

孫慎

黨逆被誅

十月戊午朔

罷諸王相府陞長史爲正五

品

左右各一員

次天下巡檢司非要地者三百五十四

致仕尚書單安仁言江淮運道事停之十一月

丁亥朔

魏公還自北平

虜寇永平指揮劉廣戰

死千戶王輅擊敗之擒其大酋一人重定功臣及

常選官封贈等第

宋訥爲國子助教

十二月丁

巳朔

改雜職衙門方印爲條記

徵士至克者八

百六十餘人各授官

重建天禧寺

卽長于寺

詔諭日

本南雄侯趙庸鎮廣東

洪武十四年辛酉正月丁亥朔

虜寇邊魏公爲大將

軍率諸將討之 新授官各舉所知 始設各省叅

議官 罷造兵器 下詔求賢 勲臣武臣子弟皆

入國學受業 命天下編賦役黃冊 二月丁巳朔

甲子鄭澐爲福建叅議 以事兄弟爭入獄義而用之 楚王楨

就國 更定徒罪煎鹽炒鐵例 申明鄉飲酒禮

增布政使左右爲二人 覈實天下官田 改明州

府爲寧波府 武官三品以上有犯請旨乃鞠四品

以下所司逮問 凡問刑諫官覆審者不署名 三

月丙戌朔 詔赦天下 復置各道按察司及分司

赦運船附載私物者 流徙酌道里遠近不得處

以荒蕪地

太陰暈大薇垣

起致仕刑部尚書李

敬爲祭酒致仕禮部侍郎劉崧爲司業

辛丑頒五

經四書于北方學校

宋公佩印節制河南

勅刑

部凡官吏受賕必求通賄之人并罪徙其家于邊

召安然爲四輔官

丁未置東宮左右春坊司直郎

各一人

四月丙辰朔改建國子學于雞鳴山下

命國子生兼讀劉向說苑及律令

司業前侍郎劉

崧卒

庚午大將軍出塞虜駭遁傳友德襲灰山克

之大獲沐英等略至公主山殲其衆獲奎寧四部以

歸

五月甲辰前學士承旨宋濂卒于夔

己酉建

軍衛廬舍官員居室 五谿蠻作亂江夏侯周德興

討平之 六月乙卯朔 選國子生三十七人教習

詰責安南欺詐却其貢 築浙西海塘成 癸未

辰星熒惑太白三星聚東井 七月甲申朔 重定

進賀表箋禮儀 却日本貢禮部移書責之 定文

武散官之制 各省社稷山川等祀武職不與 壬

子大星自天津北流數小星隨之至古樞沒 八月

癸丑朔 諭討雲南備衣裝 癸亥夜白虹見 巳

丑南雄侯趙庸平蠻寇奏捷 河南原武等縣河患

四輔官安然卒 九月壬午朔傅友德爲征南將

軍藍玉沐英左右副將軍討雲南 勅捕州宣慰楊

鑑助討雲南

魏公仍鎮北平

先八月還

改翰林院爲

正五品

欽天大醫同

西域僧辭歸賜而遣之 己丑復

置起居注

建滁陽主廟于滁州

丁酉置中都留

守司

改蔣山興國禪寺爲靈谷寺

衍聖公孔希

學卒

甲辰白氣貫日

四川散毛諸洞作亂討平

之 禁有司薦舉教官

十月壬子朔日食

法司

擬罪從翰林秦坊給事中會議

免應天等五府秋

糧 御史分按各道罪囚

定內外考功法

漳州

古田賊平

丙子焚惑犯太薇垣

周王橈就國

十一月壬午朔吉安侯陸仲亨鎮成都潮州賊平

誅爲首者釋脅從千餘人甲申黑氣亘天覆天

下廢寺田入官己亥復置大理寺及審刑司江

陰侯吳艮卒禁有司不得差遣學官福安縣民

廣東海賊曹真作亂延安侯唐勝宗南雄侯趙庸分

討平之十二月脩宗泐還自西域隨人貢者甚衆

命翰林春坊官考覈諸司奏啟以聞征南兵攻

下普安進兵曲靖擊敗梁王將達里麻干白石江擒

之梁王走死分兵進取雲南諸路延安侯唐勝宗

討平衢處溫山盜甘露降鍾山傅友德自普定

克烏撒築城蠻合兵來戰大破之遂克可渡河 築
普定城 革京畿都漕司

洪武十五年壬戌正月辛巳朔 大宴始用九奏侑食

樂章 置諸司勘合 翰林侍講火原潔等編類華

夷譯語 置貴州都指揮使司平涼侯費聚汝南侯

梅思祖署事 置雲南一十四衛 減太辟罪 雲

南捷奏至京命諸將區畫 凡將較雜犯死罪者免

死發戍邊 南雄侯趙庸先後討廣寇皆平之 命

天下朝覲官各舉所知一人 二月壬子朔 駙馬

李祺等賑河南水災 置雲南都指揮使司 選致

仕武官往守雲南諸城 雲南平詔天下 乙卯置
雲南布政使司汝南侯梅思祖平章潘原明署司事
張統等爲叅政叅議等官賦詩二章賜之 南雄侯
趙庸盡俘乳源蠻寇 丁未白虹貫日 雲南中鹽
以播州宣慰司隸貴州 閏二月 命禮部定諸
司文移式 陽山歸善蠻寇悉平 賜雲南土酋寇
帶誥勅使任本州知州等官 諭征南諸將進討大
理尋克之 賜六部尚書侍郎馬 三月庚戌朔
改國子學爲國子監 降吳沉教諭未行留爲翰林
典籍 定雲南所屬州縣 籍廣東廢戶萬人爲水

軍 以孔克營爲曲阜知縣 乙丑頒軍法定律凡

十九條皆 更定官員相遇及公恭禮儀 河決朝

邑縣 四月庚辰朔 巡檢王德亨請開階州界外

水銀坑青綠紫泥不許 定封贈官制 置在京僧

錄道錄二司外曰僧綱道紀縣之附郭者并于府 遷故元梁

王威順王家屬居就羅 丙戌詔天下通祀孔子賜

學糧增師生廩膳 壬辰免浙江江西河南山東直

隸糧 乙未改儀鸞司爲錦衣衛 熒惑出太微端

門 定春坊爲左右春坊設大學士左右庶子諭德

贊善司直等官 設司經局先馬一人 戊戌設雲南各

處儒學

烏撒諸蠻復叛

癸卯以儒士吳顥爲祭

酒 旌表遼東高希鳳家五節婦裴鐵皮家貞節

五月己酉朔

皇長孫雄英薨追封虞王謚曰懷

囚徒貧者日給米一升 己未新建太學成以舊國

學爲應天府學

乙丑

上幸國子監謁先師再拜

獻爵又再拜轉御藝倫堂祭酒吳顥等以次就坐進

講 上又親爲講說賜宴翌日國子官表謝賞賚仍

頒學規行之

廣平府吏王允道請開磁州錢冶杖

之流海外

諭各省凡勞民之事必奏請而後行

行人齋勅諭天下郡縣并求經明行修之士其任學

官者職專教訓不在舉例 頒釋奠先師儀注于天

下 議遼東屯田

上曰遼陽強寒土曠人稀朕不欲置行省勞民設衛戍之歲餉海上

非得已也每聞一夫當航海之行家人懷訣別之意近復有溺死者朕通夕不寐爾等其議屯田法

六月戊寅朔 國學官年老者遇暑月及雨雪免朝

叅 選生員入國學者千餘人 雲南志書成 七

月戊申朔 旌真定孝婦劉氏 免民間曆日工本

錢 凡告胡黨者不問 起前國子助教開濟試刑

部尚書 征南兵擊烏撒大破之 限諸司來朝官

以十二月二十五日至京師 靳春侯康鐸宣德侯

金朝興卒 八月丁丑朔諭禮部設科取士期三年

一試著爲令 頒學較禁例十二條 遣御史審決

重囚 勒臥碑明倫堂之左 凡徒犯以上書申明

亭 丙戌皇后馬氏崩 省監察御史章良以罪繁

自陳過咎 上 以能改宥之 肥城知縣許好問疏秦隋元爲閏

位乞慎刑昭德緩差容直 上嘉之 丙申定 皇

后諡曰孝慈 徵至秀才分六科叙用御史趙 宥

青州府同知安貞以擅造公字器用爲吏所告 上 以情非自私留貞供職械吏送京

營陽侯楊璟卒 九月經明行修之士鄭韜等

三千七百餘人入見錫鈔授布政使等官 鑄監察

御史印文曰絕 愆糾謬 釋罪人先期來歸者 桂彥良上

太平治要十二條嘉納之 壽節以 孝慈喪免朝

賀 今遼軍既獲者戍雲南 乙丑熒惑犯南斗

北平開隘二百處設兵戍守 庚午葬 孝慈皇后

于孝陵 儒士沈士榮上疏 上手詔褒諭擢翰林

待詔 雲南諸夷復叛沐英討平之 是月于各府

州縣設按察分司僉事儒士王存中等五百三十人

試用 人治二縣期 十月丙子朔 更置都察院設

監察都御史八人 正七品以秀才李原 廣東賊平

南雄侯趙庸班師 復請戍主簿楊時敏官省母

精考儒學官 頒劉向說苑新序于天下學校 汝

南侯梅思祖卒于雲南 乙未齊王搏就封 命刑

部都察院錄囚 申明越訴之禁 定諸司錢糧刑

名常行事擬聞大政事請 旨處分 禁煩文出入

人罪者 凡子訴父枉者勿論 魏公還京 十一

月丙午朔 置雲南鹽課提舉司 癸丑冬至以

孝慈喪常服行禮 衛所軍月鹽代以鈔 各都司

不許役軍營造 宥都指揮桑桂 戊午置殿閣大

學士 禮部尚書邵質為華蓋殿大學士學士宋訥

計吳伯宗典籍吳沉為文淵武英東閣大學士

耆儒鮑恂余銓張紳張長年徵至京恂年八十餘
銓紳長年皆年七十餘 上見甚喜以恂為文華殿
大學士老疾辭放 修國子監書板 勅諭各都指
錄三人皆為教授

揮使詢所徵秀才爲僉事者具行實以聞 戊辰都

察院以巡按事宜頒按察司 吳印張統爲雲南左

右布政使 兵部尚書唐鐸爲諫議大夫 十二月

己亥朔封李新崇山侯

營孝陵功

浚儀真河 各處教

官九年滿用爲教諭 北平大水 定僧道服色

各部逮繫人悉送刑部鞫問 旌表節婦十二人

洪武十六年癸亥正月己巳朔御殿朝賀不舉樂 戊

申白虹貫日 行人十員往雲南諭新民 儋州知

州魏世吉請遣子入太學許之 西番歸附者三十

戶共輸一馬 祭酒吳頤寬縱免官 戊午魏公復

鎮北平 以文淵閣大學士宋訥為祭酒 命徒流

而下代農民力役贖罪 諸蠻酋來朝悉獻所乘馬

以鈔償之 曹公李文忠兼領國子監事 二月乙

亥朔 旌烈婦張氏于父母家

安平縣人夫星德國子生益同舍生永物

事覺張耻之自縊上以素衣家教旌之

旌貞婦彭氏

安仁縣人守貞七十六年壽百

三歲 巳丑吳沉等進精誠錄 天下學校歲貢生員

各一人 以故元雲南右丞觀音保為指揮使賜名

李觀 故元軍士占籍為民相告者不理 三月甲

辰朔 永免鳳陽臨濠二縣糧稅徭役 罷天下府

州縣按察分司 定詐偽條律 勅四夷及土官入

賀者會集畿內近地同入京師 節婦七人 四月

甲戌朔 松藩等處安撫司納馬置驛 文華殿大

學士全思誠致仕 賜暹羅占城真臘諸國勘合驗

朝臣出使者 五月甲辰朔 勅天下衛所習射

者十選 致仕叅政舒唐招集浙東水軍二萬七

千餘人 定嫡妾封贈及文官封廕例 免應天太

平鎮江寧國廣德五郡糧稅 以五郡與王之地 六

安侯王志等督兵安輯雲南 六月癸酉朔 議三

審五覆之法 選舉儒士 定考覈之制 改都察

院正三品設左右都御史副都僉都各道按察使從

三品設按察使副使僉事 七月壬寅朔 詔都司

上衛所城池水陸地里圖 庚寅焚惑出太微垣

御史各處錄囚 山西左布政何真致仕還廣州集

舊部兵較二萬餘人送京師 更定冕服之制 庚

午太白晝見四日 八月壬申朔日食 降東閣大

學士吳沉爲侍書

進講後期

戒武臣無受民囑托撓有

司 旌邳州孝子李英 九月辛丑朔 國子生有

父母者三年一歸省

仍許歸娶奔期喪

壽節復常儀不舉

樂 壬戌 皇第二十二子模生 癸酉申國公鄧

鎮爲征南副將軍討江西龍泉山賊 鳳陽大龍興

寺成

即皇覺寺

給事中各處清軍

命來朝官豫進功

業冊

十月辛未朔

召還魏公等

却高麗貢

其

歟

節婦七人

復設社學

先以擾民停罷

壬辰太白晝

見三日

頒鄉飲圖式

六安侯吳復卒于雲南旌

其妾楊氏貞烈

十一月庚子朔

祀文翁張詠等

于四川李冰祠卓茂而下各立祠

定朝參官員坐

次在外進表箋必差職官

諸司來朝及差回者

先朝見後請所司

十二月庚午朔

賜在京官民

元旦元宵節錢

歲貢考中送國子監

吳伯宗降

檢討

刑部尚書開濟有罪誅

洪武十七年甲子正月己亥朔 定城隍俱軍士修理

無得役民 己巳以孔子五十七代孫訥襲衍聖公

優給故官家屬 丁未郊 旌表山陰縣民徐允

讓及妻潘氏節孝 魏公復鎮北平 詹徽為左都

御史 節婦五人 陞左右都御史正二品副僉選

陞 須文達那國入貢 廣東徭寇悉平 文官居

憂已至職五年無過者給半祿終制三年者全祿三

月 壬申信國公湯和巡視浙福山東等處海道

甲子起余煥吏部尚書 孝節二十六人 起罷免

官輩貫道等為左布政叅政等官 僧智光等使西

天尼八刺國 二月己巳朔 定吏員考滿陞轉出

身資格 定天下諸司文移紙式 三月戊戌朔頒

行科舉成式 曹公李文忠卒 龍泉諸山寇悉平

穎川侯傅友德等班師入朝 停造寶鈔 凡有

司祭祀僧道官不與 定公侯封玉軸伯子男犀軸

改錦衣指揮正三品 甲子赦天下 改建三法

司于太平門外 四月戊辰朔 壬午加傅友德穎

國公餘將較有差平雲南功 榜在外三司以下考覈入

事 更定六尚局品秩 許指揮何誠追贈本生

孝節十人 築國子監外號房五百間 吳伯宗卒

五月戊戌朔 定武臣襲職例 諭遼東守將唐

勝宗絕高麗 六月丁卯朔 詔天下諸司朝正旦

繪土地人民圖來上 雲南官免覲 諭羣臣禮樂

兼重制大成樂器分天下儒學 置府州縣醫學陰

陽學 高麗謝罪請以馬代貢金許之 丙戌歲星

填星太白聚參宿 乙未睢州河決 製國子監祭

服 七月丁酉朔 勅內官毋與外事并禁文移往

來 製欽天監觀星盤 建朝天宮 癸卯曉太白

犯天鐸 許迎養父母者皆官給舟車 徵安南糧

助雲南 諭戶部定里驗丁糧多寡產業厚薄均其

力局大使許士哲上十四事

明賞罰以清官吏開

役以旌民力嚴銓選以擇賢才練精卒以杜妄費興武舉以收英才崇節義以厚風俗明禮樂以教萬民立平準以利商賈置常平以惠農民用直臣以任糾彈開言路以通民情滅亡月之餘燼以絕後禍監前代之興亡以壽國脉

上褒之

詳定合奏事目其瑣細者勿

以聞北平降卒編入京衛者悉放爲民處士陳

遇卒秋暑命刑部慮囚八月丙寅朔平緬宣

慰思倫發入貢開封府河決東月隄又決杞縣

各處逃軍有司覈實發補不必遣人儒士陳玄爲

兪都御史撰皇伯壽春王墓文立石癸未定考

績法甲午遣官祭歷代忠臣儒士汪仲魯爲司

直郎十九年三月賜歸

諸州民戶不及三千者皆改爲縣

九月三十日

九月丙申朔 應天舉人廖孟瞻等二百

二十九人 征南士卒悉爲小旗免比衣 節烈三

人 更定親王冠禮 十月乙丑朔 冊李氏爲淑

妃攝宮中事 復遼東海運 置稽疑司專 成都

府吏訐知府張仁不聽 閏十月乙未朔 禁方面

官侵邵縣之職 決囚皆屬刑部都察院詳議送大

理覆審 博士元統奏曆法 功臣恩典非奉 特

旨不許請 魏公還京 清類天文分野書成 十

一月甲子朔參政胡昱請討納答出不許 孔希文

曲阜知縣 文官七十許致仕給誥勅 雲南布

政吳印還京張統代 鞏昌侯郭子興卒 十二月

甲午朔 弛姑舅外黨成婚之禁 太平民毆死孕

婦當絞子請代不許 大理卿鄒俊議曰死婦繫二人

犯法之文孰若全 沐英勅廣西維摩餘寇通四川

無辜之子詔從之 糧道 是年泗州人朱貴上 祖陵圖帖厚賜之除

奉祠世襲

洪武十八年乙丑正月癸亥朔高麗琥球進羅等國貢

賀 擢太原府同知溫祥卿兵部尚書 六月降刑部主事

戊辰夜熒惑犯外屏 考察朝覲官四千餘人黜七

百餘人分稱職平常不稱職貪污關茸五等 陞劉

三吾翰林學士 丁丑酌損高麗人貢三年一朝止

進馬五十匹

時貢馬五千匹金五百斤銀五萬兩布五萬匹

已卯命天下

州縣官第民戶上中下三等爲賦役冊驗輕重役之

慶遠府東蘭州蠻寇韋富撓作亂討平之 癸未

禮部頒外官到任儀注 乙酉歲貢會試不中者還

學讀書再試不中罰爲吏 按察使陶厚仲以父兄

徙鳳陽乞得聚養許之 辛酉定王國祭祀社稷山

川等儀 二月癸巳朔 孝節十五人 甲辰陰雨

雪雹求言

祭酒宋訥獻屯田守邊策博士高允憲

請卓異者賜金增秩學正陳潛夫請旌直臣簡師儒
勵廉耻審用人四事皆嘉納之 乙巳初昏五星並

見 己未太傅魏國公徐達薨 松州羌反討平之

仍運糧給松州衛 定王國受曆禮儀 三月壬戌

朔策試舉人黃子澄等四百七十二人賜丁顯練子

寧花綸

一日黃子澄

以下及第出身有差因定甲第授官

品秩 命工部增造京官居舍

凡百餘所號曰樣房

禮部主

事陳章上言禮制納之 節婦五人 乙亥免應天

太平寧國鎮江廣德滁和七府州今年田租 進士

自授官外餘觀政諸司給以出身祿米

在翰林承勅監者稱庶吉

十在六部
者仍進士

丁丑定翰林院官制學士殿閣大學士

俱正五品

夜歲星與填星會金星入井宿歲星入

亢宿

壬午太常博士薛文舉言人才稱職者宜久

任納之

庚辰定蕃國進表禮儀

辛巳禁河南伐

桑棗榆槐

罷考功監

戊子填星歲星太白聚東

井 戶部侍郎郭桓胡益王道亨等盜官糧伏誅

至盜

七百萬石詞連禮部刑部趙瑁王惠建等兵部工部

侍郎王志泰志德等及妄指平民皆至敗家

翰林院待詔朱善爲文淵閣大

學士

四月二日癸巳乙未五色雲再見群臣請表

賀不許

丙申修治海蓋復三州城池

丁酉吏部

尚書余燠擅逐祭酒宋訥坐誅勅諭訥任職如故

戊戌置雲南沅江府因進羅必甸長官司秩六品流

官爲長土官白文玉爲副 己亥太白晝見三日

壬寅錄有司官善政著聞者揭鄉之旌善亭犯法罪

狀著明者揭申明亭 馬平縣主簿孔性善上獐猺

事宜褒答仍擇賢守令撫輯之 節婦二人 丙辰

置五開衛指揮司 思州諸蠻洞作亂信國公湯和

討平之 五月辛酉朔大學士朱善進講心箴 丙

寅罷判祿司 庚午太陰犯平道 湖廣朔蠻作亂

討平之 右軍都督張赫督海運七十五萬餘石往

遼東 是月五色雲再見 六月辛卯朔 丙申太

白晝見六日 戊戌頒命婦冠制 丙午僉各處民

丁充力士者萬四千餘人增錦衣衛六千戶領之

戊申定朝覲官以三年爲期

先是歲一朝

是月下第舉

人俱授教官 七月辛酉朔高麗權國事王禍獻馬

請襲爵并請故王王額封謚從之 乙丑丹徒知縣

胡孟通縣丞郭伯高金壇縣丞李思進坐事當逮耆

民詣闕保留皆賜勅勞以酒還職 丙寅命戶部以

天下稅糧課程一歲收用之數刻于廳事 公侯親

屬占籍他處者皆召還 己巳罷四川普定軍民府

辛未免陝西欺隱田糧十二萬餘石 壬申浙江

按察使陶晟坐罪死 甲戌封王禍高麗國王故王

額誼恭愍皆賜誥

以李錄張溥爲詔使行人段祿副之國子典簿周倬爲誥使行人維

其副 庚午五開蠻洞亂討平之 甲申歲貢生不

中式者提調官及教官罰俸一年 丙戌監生患病

者官給醫藥死者行人送歸 八月庚寅朔 祀姜

源公劉于邠州 癸卯吏員役滿者避本貫互用

丙午賜公侯鈔人萬錠俾還鄉建第宅 巳酉二甲

進士方昇三甲梁德遠等六十七人爲六科給事六

部試主事 宋公馮勝爲征虜大將軍偕額公傅友

德永昌侯藍玉往北平會兵備邊 癸丑復設糧長

巳未指揮千百戶鎮撫年五十以上者許以子代

襲 是月賑河南水災 九月十日庚午 上御華

蓋殿命大學士朱善講周易 壬申駙馬都尉黃琛

卒 乙亥古州洞蠻作亂楚王禎率湯和討之 丁

丑戊寅太白經天與熒惑同度 甲申定諸蕃頒貢

儀式 丁亥以檢討茹太素爲戶部尚書尋降御史行

人韓曄父同知致仕年七十得罪當罰役曄請代釋

之 戊子星變勅諭秦晉周三王 壬寅太白連晝

見 是月大學士朱善卒 十月巳丑朔御制大誥

成頒示天下 賜湘潭魯蜀四王十七史等書 免

北平今年田租之半 赦孟氏子孫輸作京師者

仍論

工部凡聖賢後裔
檢作者皆赦免

徵天下武官赴闕 乙未二甲

進士胡昌齡等十人爲御史各府推官三甲李烜等

二十人爲各部試主事及各縣丞 築欽天監觀星

臺于雞鳴山因雨花臺爲回回監觀星臺 有星字

于斗 癸卯召大將軍馮勝回京 乙巳湘王栢之

國荊州 丙午命蜀王椿居鳳陽 巳酉魯王檀之

國兗州 乙卯勅諭洮岷武臣送馬 信公湯和平

古州蠻

俘四萬餘人

陞宜興縣主簿王復春爲常州同

知

不附奉上官仍遣庶吉士楊靖賁勸勞之

十一月己未朔

華城門

郎其門禁鎖鑰銅牌掌于中軍都督府

水灾免山

東糧二百五十餘萬河南及常德府三十萬餘石

十二月戊子朔定鈔二貫五百文代米一石充祿賜

庚寅潭王梓之國長沙

丙午詔舉孝廉

高麗

來貢明年正旦 巳酉陞建陽知縣郭伯泰爲泉州

同知縣丞陸鑑爲福州通判

爲政不避權勢
進行人勸勞

壬子

高麗請大統曆詔以十本賜之

癸丑平緬宣慰思

倫發反千戶王昇死之 是月建寺雞鳴山卽山爲

名祀梁僧寶公

罷各布政使煎煉鐵冶

洪武十九年丙寅正月戊午朔 賑北平大名江浦縣

水災 戊寅湖廣通城崇陽二縣糧米以山路代以

布帛 己卯罷四川永寧茶馬司 平柳州融縣洞

蠻 庚辰頒大誥于國子監及各儒學 二月丁亥

朔 雲南蠻叛賴公討平之 置雅州茶馬司 丁

未遣使勞常熟知縣成蔓奇賜以酒 府吏行縣中道執之 戊

申定首領官于本司堂上九年通考黜陟正官九年

稱職予誥勅 壬子命新除官不用符契止給劄付

癸丑賑河南諸府饑民 省躬錄成 既編歷代帝王祭祀群異

底應爲存心錄朝夕觀覽復編漢唐以來災異應臣下者爲此書頒行 三月丁巳朔

罷審刑司 給來朝官鈔二十錠爲道里費 辛

未製大誥續編頒示天下 置牧監諸群 罷文武

官節錢俱賜宴 辛卯復頒北方郡縣學校五經四

書 甲申復雲南納米給鹽之例 四月丙戌朔分

工匠輪班 在京文職官吏俸置倉另貯 甲午賜

天下官每歲柴炭鈔五十貫 丁酉李景隆襲封曹

國公 贖河南水災典買男女 應天衛軍士有父

母子女者月給米一石 丙午置建昌姚州越窩會

川五井鹽課提舉司 陞慈谿縣丞秦仲彰爲寧波

知府降寧波知府李仲文爲慈谿縣丞

府吏行縣不法執送關下

五月乙卯朔 丙辰命四民各守本業游惰匿它

所者問遣 丁巳勅勞嘉興知縣華輝縣丞齊搏

正

能其官

市馬雲南 戊辰妖僧玉琳與新淦縣民楊

文曾尚敬等謀亂建元天定捕誅之 己巳行人王

良至常州貪黷太守范好古以聞械至罪之 壬申

平靖州苗蠻 乙亥程鄉縣民鍾文遠作亂伏誅

甲申治賣卜人妄告之罪 六月五日己丑梧州府

興業知縣王獻縣丞曹玉容徵稅違期 上以進士

特宥之 辛丑雲南地震 命戶部給祿皆以石計

先有升斗零者

甲辰下詔賜天下高年粟帛撫恤從征軍

士 丁未賑青州開封二府旱災 癸丑給糧長賦

役冊籍之費 平越苗叛額公討平之 七月己丑

朔勅諭蘇州知府王觀 以撫死奸吏發英 癸亥三辰晝見

置東寧衛 設楊州武昌等府糧長 丙寅復左

都詹微等五家 通政使蔡瑄左通政茹瑄工部侍郎秦達戶部侍郎楊靖 甲戌

賜中山王等十四人鳳陽東西山場 丁丑國子博

士吳沉老疾致仕 己卯太白入太微垣 癸未詔

舉經明行修練達時務之士年七十以下者置翰林

六十以下者置六部二司 八月甲申朔 辛卯取

應天府富民子弟補吏 六安侯志卒 甲辰

皇太子往肝胎縣葬 三祖帝后衣冠加修繕薦號

曰祖陵 己酉定吏員轉補資格 九月甲寅朔

復置寶鈔提舉司 庚申雲南屯田 高麗占城入

貢 皇第二十三子桎生 丙子天雨絮 癸未行

人劉敏唐敬備內臣賁磁器賜真臘等國 十月七

日庚寅太白晝見七日 乙巳優給已故武官子孫

父母老者全俸終身 是月頒志戒錄

採爲臣忤逆者百餘事

十一月三日乙卯澧州蠻亂討平之 庚申免大

同府鹽稅虧額 辛酉日本來貢却之 癸亥改車

里軍民府爲宣慰司 丙寅高麗請易冠服不許

行人往廣西凡山與蠻洞相接者悉具圖以聞 十

二月癸未朔日食 京師各門各處工役皆以罪人

輸作 詔並海所在置千戶所八 甲申陝西市馬

乙酉重囚令大理寺覆奏聽決 戊子市馬高麗

癸巳御制大誥三編成頒天下 上親序之依誅貪

犯科姓名具列誥中前後三編凡臣民務要家藏人

誥以為鑒戒倘有不遵違于化外其有大誥者偶有

所犯減等科罪 乙亥岷州山寇作亂討破之 庚子獎河

南盧氏縣主簿徐存義 上言大梁居中土形勝可都

武不必多設倡優俗樂 左都御史詹徽請用嚴刑

上諭責之 已巳命運糧給施州衛餘崇山等衛令屯

田自食

再請復
給之

詔武職謫雲南遼東者皆縣次資

給

戊申置都勻安撫司

雲南巨津州二酋阿奴

聰叛吉安侯陸仲亨捕誅之

親王令節慶賀止本

城官行禮

安南陳煒入貢

是月諭宋公馮勝征

納哈出先運粟松亭關及大寧會州富峪四處仍分

置邊隘諸衛

補遺

十二年二月

勅曰今春雨雪經旬不止嚴凝之氣

切骨朕思昔在寒微當此之際衣單食薄艱苦特甚

今居九重擁裘衣帛尚且覺寒若是其天下孤老衣
不蔽體食不克腹者有之令天下有司俱以鈔給之
助其薪炭之用又 勅曰連日陰雨京民中亦有貧
者審實凡孤幼戶給鹽十五斤孤寡者戶廿斤 賜
太醫院判郝致才致仕致才濠梁人初 上潛龍時
嘗邁疾甚危致才進藥而瘥及 上卽位念之召至
京命爲院判至是閔其年老特勅致仕而官其子文
傑爲院使賜誥

四月 勅四川都指揮音亮朱輔等曰近因寇盜剽
掠居民已勅爾等勦捕淹留道途反爲民害賊衆愈

盛實由爾等失機敗事特遣鎮撫楊華馳諭如不卽擒寇賊歸良民妻子而徒勞師旅則爾等之罪何逃軍中唯指揮茅貴勇略有功千戶瞿闢亦能效功其餘將士勤怠朕悉知之各宜勉力以成厥功

六月馬雲征大寧諭曰此寇甚黠知官軍將至悉遁入山兵回復出如是則宜以大軍分駐要害遣人招撫招之不至則伏兵以伺必盡獲之凡得賊首卽其地斬之以警其餘

十三年分五軍都督府左軍統在京驍騎左水軍左留守左龍虎英武五衛在外陝西四川江西三都司

并所轄衛所右軍統在京虎賁右水軍右留守右武
德廣武五衛在外山東河南潁州三都司并所轄衛
所中軍統在京神策廣洋留守中應天和陽五衛在
外蘇州太倉鎮海揚州高郵大河淮安沂州鳳陽左
右中皇陵長淮懷遠留守中留守左徐州十七衛滁
州六安廬州鎮江安豐信陽宿州洪塘九千戶所及
河南都司并所轄衛所前軍統在京天策豹韜龍驤
飛雄龍江五衛在外湖廣福建廣西三都司及福建
行都司并所轄衛所後軍統鷹揚江陽興武橫海蒙
古左蒙古右六衛在外北平山西二都司及山西行

都司并所轄衛所

九月祭社稷用醴溧水縣以牛代鹿時有非土產者
缺或他物代 上曰溧水固有鹿何得謂缺是有司
無誠心祀神故爲是苟簡夫百司所以能理職盡民
事者以其常存敬畏之心今溧水之官于神猶怠于
人事可知論如律仍勅禮部凡祭必備物苟非地產
所有又無商賈販鬻聽缺

十五年二月起致仕官往守雲南 諭備州宣慰使

楊鑑每一人至備甲兵五十五人衛送

五月監察御史雷勵坐失入人徒罪 上責之曰朝

廷能使頑惡懾伏良善得所者在法耳少有偏重民
無所守爾爲御史執法不平何以激濁揚清伸理冤
枉徒罪尚可改正若死罪論決可以再生乎命法司
論勵罪以戒深刻者

八月遣監察御史余公大往泰州審決重刑勅曰雨
露滋生萬物以榮霜露肅殺萬物以悴榮悴各當其
時斯二儀之常經古今所不易者也今爾往泰州

審決刑獄爾其慎法天時務從至公毋獲罪于人神

欽哉

此審錄
之始

先是民有以罪減死戍邊者多艱衣食

上聞而閔之悉命還家取貲用定期而來至是五十三

人先至 上曰彼愚民無知故抵於法今先期來歸
是其畏法良心不泯庶幾改過遷善矣特命宥罪與
道里費放還田里

十月桂林府興安縣主簿楊時敏以罪謫戍雲南時
敏延安府宜君縣人有母居家年八十餘時敏上言
不歸省者九年矣願便道省視而後赴謫所 上憐
其母老許之因復其官俾遂祿養 桂林衛戍卒二
人言故元守將阿爾思蘭舊所部偏較三十六人今
在全州宜取置戎伍 上曰天下兵版籍已定人方
安業豈可復擾此輩非挾私怨則希望恩賞命徙二

卒於揚州衛

十一月西安衛千戶宋壽領河東鹽六千四百餘斤以給軍士侵欺三千二百餘斤上命戶部悉準鹽價給鈔免致所司爲奸諭五軍都督府近福建行都司及建寧左衛守禦官不奉朝命輒役軍士伐木修城樓因而私營居室極其侈靡軍士富者責其納錢免役貧者重役不休今軍士忿抑來訴已令法司逮問務諭天下都司自今非奉命擅興私役者必罪

刑部

馬

山西都指揮使司曰近振武衛指揮桑桂

有犯刑等議擬如律允合至公然念其勤勞累歲初

麗於法不忍加刑特有之俾復官諸連逮繫者悉釋之惟妄稱老實大王者誅之以戒將來

十七年三月改三法司于太平門外在京城之北以刑主陰坊曰貫城法天之貫索也是星七宿而貫珠環而成象乃天牢也若中空無凡星於內則刑官無私邪政平訟理獄無囚人若凡星處貫內者刑官非人多有冤抑若中有星而明者貴人無罪而獄

七月朝天宮之地卽吳冶城晉西州故址南宋時始置聰明觀唐建紫極宮宋真宗大中祥符間改祥符宮尋改天慶觀元元真時改玄妙觀文宗時又改永

壽宮至是重建賜名 遣國子助教楊盤等使安南
征糧餉助雲南兵食先 上謂戶部曰曩因雲南數
生邊釁命將討之今其地已平人悉編籍然兵多民
少糧餉不繼朕思安南壤地去臨安甚邇彼能堅事
大之心當助糧餉以佐兵食命盤等往使陳煒卽以
糧五千石運至臨安界之水尾且遺盤以金帛盤却
不受隨人朝貢

十九年五月處州麗水縣有賣卜者南昌人嘗干謁
富室不應乃詣 闕告大姓陳公望等五十七人聚
衆謀亂命錦衣千戶周原往捕之知縣倪孟賢先

服往察見其男女耕織如故歸謂僚屬曰朝廷命孟
賢令是邑惟欲撫輯斯民安于田里今使良善受惡
逆之名豈朝廷初意耶卽具疏 上聞復令耆老四
十人詣闕訴其妄 上命法司論妄者罪賜耆老酒
食及道里費遣還

皇明大政記卷之五

臣朱國禎謹輯

洪武二十年丁卯正月二日癸丑宋公爲征虜大將軍

率諸將軍師二十萬北伐

諭以駐師通州規其出入先克慶州在持金山仍遣

前獲番將乃刺吾北還諭納哈出等

焚錦衣衛刑具以繫囚送刑部

審理

已未修闕里孔廟

改松潘衛爲松潘軍民

指揮司松潘安撫司爲龍州

已巳革潭府魯府審

理所官

癸酉修高郵湖堤

丙子老較丁戌請開

陝西銀鑛斥不聽

二月壬午朔

閱武午門外

仍令

將軍衛士日習射于門內丹墀

是夕五星皆見

甲申宋公至通

州遣人出松亭關覘虜屯慶州命藍玉乘大雪襲破

之 浙江蘇州等府進魚鱗圖冊

國子生武淳等奉命履畝所造

辛卯琉球入貢 壬辰

上躬耕田

遣官祭先農宴羣臣于壇所

甲辰御注書洪範成

三月辛亥朔宋公出松亭

開築大寧寬河會州富峪四城

丙辰宜興縣丞張

福生犯法以國子生宥之

輸進士國子生素所培養自今犯死三俱宥之

辛未復設太原府交城縣鐵冶所

其地置冶歲貢雲子生熟鐵十萬斤

後罷聽民採取至是繕治兵器當用此鐵而他所不產命便之

癸酉市馬高麗給

其直高麗解不許遂送流民來歸耽羅亦貢馬并償

直如之

甲戌雲南左布政張統秩滿來朝望書褒

諭復職 徙民開成都府荒田 四月辛巳朔增築

門較卒 癸未諭宋公進兵 選元舊官部下能騎

射者擇千百戶領之充先鋒 戊子江夏侯周德興

往福興漳泉四府民戶三丁取一爲綠海戍兵防倭

改置衛所具圖以進凡築城一十六巡檢司四十五

罷磨勘司 禁蕃使以麻鐵出境 節婦六人

五月庚戌朔諭西平侯沐英等輯理金齒諸道勿輕

戰俟取麓川 諭戶部各處積貯滿二年者聽折收

丙寅勅宋公天象水火相犯嚴備虜詐 癸酉軍

士有家屬者另與優給 諭刑部有司犯輕罪者悉

省雜犯死罪戴罪復職至再三者錄過復官 六月

七日乙酉惠州博羅山賊作亂討平之 丁酉廩昌

國縣徙其民設寧波衛 太白經天 空春妖賊作

亂捕斬之 戊戌優給武官老疾無子孫者 臨江

侯陳鏞從征異道陷虜死 癸卯宋公師渝金山全

國公觀童來降 丁未宋公取納哈出降其衆以南

閏六月己酉朔元司徒完者不花來降 辛亥徵

孝廉之士 庚申都督濮英殿後中伏死 勅福建

造海舟百廣東倍之以九月會浙江出占城捕倭

已巳立群牧所五隸句容縣牧監 節婦三人 甲

戊捷奏至諭宋公降衆隨便居住立衛與漢軍雜處
常茂驚潰虜衆械赴京師 七月庚辰賜元降將納
訥出玉帶等物有差 倭患削台州衛指揮同知陳
亮官戍金蘭 詔有罪軍官戍遼東者悉赴京師
高麗進市馬五千匹 乙未徵還山東捕盜官軍專
責有司 丁酉納哈出所部營王失刺八禿等來降

有司請立武學祀太公建昭烈武成王廟寢之

上謂

文武本非二塗太公從祀
帝王廟去王號罷其舊廟

壬寅太白三辰晝見

封何真東莞伯 行人唐敬等還自真臘其國王與
暹羅國各來貢獻 八月庚申遣使賜真臘國金印

綺繡 癸亥建泗州祖陵祭殿 故元尚書塔不歹
來降 丙寅市四川耕牛萬頭往雲南屯田 庚午
再勅戒大將軍 辛未置大寧衛指揮使司 銷六
科關防印記 定入覲者止正官首領官吏各一人
給路費禁馳驛擾民雲南道遠者免 收宋公大將
軍印召還永昌侯藍玉行總兵事 詔景川侯曹震
選精兵二萬二千卽雲南屯種備征仍復中鹽法
乙亥詔遣雲南戍守家屬每戶賜銀十兩鈔十錠所
過軍衛護送 丁丑宋公以降將納哈出等至京上
捷表 九月戊寅朔納哈出入見賜一品服封海西

侯 辛巳築台州健跳桃渚二城各置千戶所 西

平侯沐英自楚雄至景東每百里置一營屯種備蠻

寇 置大寧都指揮使司 詔頴公編集新附軍士

簡練精銳屯大寧防虜尋徵還以耿忠代之 調湖

廣官軍五萬餘人征雲南 定百官品祿 癸巳永

城侯薛顯卒于軍 徵雲南土知府等官赴京 置

北直隸及各邊馬驛 節婦三人 刺馬兒罕回回

滿刺朝貢 乙未 壽節 上年六十大賀 高麗

等國皆入貢 丁酉安置常茂于廣西之龍川 又四年辛

市馬高麗 定屯卒五百畝納糧五十石 賜功

臣四十三人三代勲階誥命 收養納哈出所部羸

馬 丁未永昌侯藍玉爲征虜大將軍率諸將嚴兵

征虜 長興侯耿炳文城西寧 十月戊申朔封朱

壽軸驢侯張赫航海侯 雞鳴山歷代忠臣廟成

林陵尉蔣忠烈侯于文晉卞忠貞壹唐劉忠肅仁瞻
宋曹武惠彬元衛忠肅福壽歲以四子孟及歲除同功

臣廟 致祭 庚戌衍聖公孔訥來朝 賜宴及鈔 壬子以顏子

五十八代孫檜爲溧陽縣丞 劍川州土酋楊奴等

叛討斬之 各衛指揮同知僉事分領千戶所事

定勲戚出使非奉符驗不得乘驛 癸亥定武臣贈

賻格例 丙寅詔長興侯耿炳文率陝西軍三萬三

千往雲南 選南方學官教北方郡邑 簡力士五

千六百隨駕 訂定朝叅各項禮儀 凡二十
六條 庚申

永昌侯藍玉奏天寒虜遠遁量留應戍人馬大軍分

回薊州等處屯註聽調許之 丙子惠州海賊謝以

青作亂討平之 是月宋公馮勝還京以勲舊不加

譴令就第鳳陽奉朝請 十一月二日戊寅復置陝

西鹽池鹽課司 壬午普定侯陳桓靖寧侯葉昇往

雲南屯種俟征 己酉徵河南儒士岳宗原等九人

授布政等官 選陰陽官子孫習天文 信公湯和

海上還奉朝請 增馬牧所軍士月糧人五斗 錄

京衛將較子弟皆爲試百戶 庚子置雲南三衛中
左千戶所 募商人於雲南納米中鹽 十二月丁
未朔免敵鳳陽商稅 賜武官復職者一千六十二
人 賑濟南東昌登萊東平饑民 庚午置遼東三
萬衛指揮使司 凡將較自洪武四年守遼有功者
遞陞有差 辛未還河南驛戶孳生馬匹 運鈔百
餘萬抵山東登萊賑饑 正高麗疆界鐵嶺以南人
民悉還之 詔鎮南衛從征五開陣亡家屬悉放還
爲民 長史桂彥良卒 頒武臣大誥 凡二十
二篇

洪武二十一年戊辰

召前諸城知縣陳允恭于雲南

復職

以能修職受民

己卯曹公李景隆等率兵送新附達

軍于南分隸濟寧等衛 思倫發入寇擊破之 壬

午葺韶州張九齡余靖祠 免徐州運租人京悉輸

濟寧 丁亥復直上思州忠州定州及陵州祿州

旌孝子王興 凌漢爲右都御史 賑青州饑 故

元將信童來降 永嘉縣民市暹羅沉香當死 上

以經過貿易非交通比釋之 復馴象衛于廣西龍

川捕象

後徙橫州

韶州英德縣民周廣全等作亂隸輶

官軍反于廣西皆討平之 二月丙午朔 庚戌分

天下各都司衛所軍爲十班今歲八月始輪赴京師

較藝仍先下操練法遵行之年深慣戰官及屯田者免 癸巳福

建布政司進禮記註疏 甲寅詔定歷代名臣從祀

去趙普安童增陳平鄧禹馬異唐美木華黎 革郡縣禮生及儀從人以生

員贊禮弓兵儀從 戊午遣官祭歷代帝王廟去隋文帝 定貴

州宜慰萬翠歲輸糧三萬石安撫密定三千石免其

逋課 差官開辦四川六番茶課 壬戌以五月當

日食勅永昌侯等防戒不虞 仍聽四川民採茶與

羌人交易 禮部主事高惟善還自西番上安邊策

嘉內之 丙寅夜有星出東壁赤黃占為文士效用 丁卯

令提調官軍入內地隸各衛編戶丁男月給米一石

帝王廟及上元縣治火 己巳朝參官門籍各衙

門自置 庚午四川天全六番招討司更爲武職

調北平軍赴大寧代還舊軍 甲戌重建天界寺

先

龍江失至是重建于城南即定林寺舊址并建能仁寺

故元四大王來降命

隨西平侯戍雲南 三月乙亥朔策進士施顯等九

十七人賜任亨泰唐震盧原質以下及第出身有差

建題名碑于太學 命儒臣撰疑信論

列于篇然之事

東

永昌侯北伐申國公鄧鎮等隨征

重修南郊壇壝更定郊禮及各廟祀禮祭文

辛卯廣東海陽民會承蔭等作亂

癸巳增置群牧監 己亥遣進士行察監

御史事分巡郡邑 以久任御史一人與俱 從三黨衛于開原

壬寅朵只生番入寇討破之 甲辰西平侯沐英

討思倫發大破平之 是月永昌侯進兵襲窮主脫

古思帖木兒于捕魚兒海 四月乙巳朔行人董紹

往占城 乙卯大破虜營 師至百眼井襲元主營大

及后妃而下數千人男 勦廣西叛蠻 庶吉士解

籍上封事 從駕大 壬戌高麗請舊壤鐵嶺之地令

禮部諭止勿起釁端 癸亥諭西平侯 破賊後移兵

圖為全隨地屯田與之相持俟大 甲子惠州府龍

軍四集如納款違貢即可許之

川興寧歸善三縣民作亂討平之 丙寅命都察院

戒諭江西御史花綸等官吏事重者速問 得舉細事與大獄 太白

晝見 永昌侯破元將哈刺章獲軍士萬五千餘戶

馬駝四萬八千餘匹 五月甲戌日食 戊寅議軍

民對支法 乙酉五色雲見 庚寅 皇第二十四

子棟生惠妃劉氏出 定誥命冊符用勅命之寶 丁酉

定雲南官吏軍民犯罪條律 戊戌減豐城官租五

斗之二 袁州府萍鄉縣有稱彌勒佛惑眾者誅之

六月癸卯朔暴風雷震洪武門獸吻 信公湯和

還鄉賜勅諭厚資遣之 皇第二十五子樸生惠妃葛氏出 甲

子東川諸蠻叛傅友德仍征南將軍沐英爲副討之

己巳徵隱士謝天啟爲山西叅議 諭武臣存卹

軍士仍賜軍士護身粉 七月癸酉朔 戊寅送虜

主次于地保奴于琉球

地保奴及后妃公主等至京
監玉 元妃事發 上怒妃

聞自盡地保奴有
怨言遣使送之

辛巳江夏侯周德興還鄉厚資

遣之 甲申置北平行都司于大寧 安慶侯仇成

卒 故元降將脫因帖木謀叛戮之

王保保
之弟

丙戌

令武臣子弟誦習大誥 己丑詔天下武臣致仕年

未六十者依原陞官給半俸 辛酉海西侯納哈出

從征雲南還卒于武昌

子察罕襲封
改濟陽侯

八月四日乙

已夜太陰犯亢宿有大星起自北平刊徐東南行三

丈餘分爲二星又五丈餘分爲三星經昴宿復爲二

經天庫復爲一至天苑中没 壬子罷天下府州縣

所舉耆宿 遷山西澤潞二州民實北直隸河南曠

閒之地 甲寅右都凌漢刑部侍郎高鐸各降一級

停俸御史桂藩所劾 召天下致仕武臣任布政司官者悉

還京 命遼東謹備高麗且偵之其國千戶陳景來降言欲寇邊

乙卯令九卿各舉文學幹濟之士 降青州知府賈

紹祖及所屬州縣官十七人以民饑不納上故也 納哈出故

部曲一千餘人來降 天鳴自甲子至丙寅三日夜

不止是日永昌侯送獲故元諸王官屬士馬至京次
日朝見 上褒其功仍責以汙亂遣人偵探之罪王
謝罪宥之頒賞次日宴奉天殿賦平胡詩二章 封
都督孫恪爲全寧侯 是月御製諭武臣勅凡八條

頒行之

九月壬申朔航海侯張赫還自遼東

督軍八萬

二千餘人
出海運糧

賜新除縣官張士平等千四百餘人靴

帶襲衣

丁丑勅都督府下令各衛所屯田

定各

衛馬步軍服色

丙戌秦晉等九王來朝凡七日過

壽節辭歸

真臘入貢謝賜印

越州土酋阿資等

叛 更定歲貢生例

府歲一人州二歲
縣三歲各一人

造軍戶圖

籍 乙未捕獲潮惠賊衆 改建歷代帝王廟于鷄

鳴山之陽 十月二日壬寅安南侯俞通源奏雲南

新附官民軍士田糧馬牛之數 以解緝爲御史尋

賜歸 丙午故元國公老撒等三千人來降 丁未

靖寧侯葉昇進兵東川獲五千餘人 命都督府更

定屯田法 武臣坐賊罷者追奪誥命 甲寅高麗

國王王禡請遜位于子昌

上曰前者聞其王被囚今請遜位必其臣李成桂之

謀東夷校詐始侯之

乙丑頒武臣訓戒錄 丙寅中山王子

允恭襲魏國公開平王子昇襲開國公 庚午雲南

置瀘州赤水層臺四州瀘州四衛指揮使司 十一

月辛未朔庚子女直千戶字羅哥從征行至沅江謀

叛走恩州明年正月頒賜武臣保守勅 十二月辛

丑朔 癸丑安南表謝勅書令三歲一朝方物隨所

產許一人進送 壬戌進封永昌侯藍玉為涼國公

阿資入寇穎國公擊敗之 兵部置軍籍勘合

安南王陳煒為其相黎一元所殺立叔明子日焜主

國事一元即季犛也

洪武二十二年己巳正月十二日壬午修拓大寧等城

成會寧侯張溫都指揮周興圖上其規制占城遣使謝罪 甲辰貯

鈔殿廡下備賞賜給事中掌之 丙戌改大宗正院

爲宗人府 高麗遣使奉其權國事王昌入朝 上
以廢立止之明年八月再請復止之 癸巳改太醫
院令爲院使 罷供奉司 征南將軍傅友德擊阿
資破走之 指揮徐凱追擊松藩叛蠻破斬之 二
月庚子朔定內外官品級 賞賜耆民復其家 陞
沈潛趙勉兵刑二部尚書 改六部所屬總部名
已未涼國公藍玉往四川修城練軍起信公湯和江
夏侯周德興節制鳳陽留守司 壬戌禁武臣不得
與民事及軍衛擾民 癸亥行人勅獎平陽縣知縣
張礎 楊靖秦達爲戶工尚書 九溪洞蠻及平越

衛蠻作亂討平之 是月沐英傳友德窮追阿資降

之 三月庚午朔傳友德等諸將還兵駐湖廣四川

各處 送貢生于國子監 己卯增置殿庭儀制司

丞四人 節婦十一人 運鈔于北方市糴備賑

戊子令天下軍丁習匠藝置弓矢 改普安軍民府

爲指揮司 改給事中魏敏卓敬八十八人爲元士

又改土源
後復舊

南安侯俞通源卒 四月己亥朔命江

南民無田者許往淮河迤南就耕官給鈔免賦役三

年 置大寧衛命捏怯來爲指揮使失烈門以下俱

授武職 覈北平及行都司軍士 起山東流民居

京師役造鈔自一十文至五十文以便民川 賑

山東湖廣貧民

凡用鈔一百八十餘萬

甲寅故元諸王來降

者俾居邏羅

諭爲造虛舍居之

丙辰分建五軍斷事司于

太平門外

甲子何福討都勻叛苗破平之 丙寅

置詹事院

正三品

兵部尚書唐鐸兼詹事尋致仕

青州衛軍妻請代夫死釋之

五月己巳朔軍士父

子皆死于役者官其子一級

辛卯置泰寧朶顏福

餘三衛于兀良哈之地以居降胡

癸巳遣使勅諭

故元遼王阿剌失里等各爲指揮使分居三衛

僉

都御史黃政從征雲南還至普安遇寇與其子琬皆

死之

政陽山人用薦爲金都御史坐事謫桂林府吏或言其知兵召還十八年往徐宿收戰士從征

遠東二十一年往雲南還至普安遇夷寇皆死

六月戊戌朔

辛卯孝廉

茂才年四十以下者干行人司差遣試用 癸丑收

廢銅鑄當二至當十錢

戊午免河南開封永城至

彰德夏稅

巡按許珪之奏右都詹徽奏其希旨妄譽上謂御史能達下情可嘉命如所請加賑

貸

並置各省寶源局

癸亥傅友德平狼寇置貴

州興隆衛

定茶馬價額

七月丁卯朔

給文武

官朝服錦綬

甲午有星目外屏西南流二丈化爲

白雲

傅友德有疾召還諸將皆還京

八月丙申

朔

丙寅除瑞金縣徭役以無徵之賦

從縣丞古亨之言

清諸司案牘

惟國子監翰林太常太醫勿問

乙卯令天下府州縣

各舉高年有德識達時務言貌相稱者一人 韶州

府闢龍山民郭曰輝等作亂討平之 更定大明律

書成頒行之 故元丞相石烈門來降賜印不卽受

至是襲劫捏怯來被殺其衆潰散詔朵顏三衛資給

之 九月丙寅日食 以雲南用兵量減鹽價 丁

卯誅西安指揮王綱

從征多筭死軍士

甲戌賞沁州民告

願屯田者 戊寅定王世子冠服禮 定外衛軍犯

笞罪例 十月丙申朔 丁巳西平侯沐英來朝賜

宴資起第鳳陽尋還鎮 壬戌增建國子監學舍居

監生携家者 十一月五日己巳餘姚縣民有妾訴

其族長私下海商販者以傷敗風俗寘妾于法 虜

也速迭兒殺其主脫古思帖木兒立坤帖木兒 擢

海州同知陳龔福爲太僕少卿

故元福壽之子

通政使經

歷楊大用使百夷悉諭降之 命選民間耆年有德

者每里各一人同有司入覲隨朝觀政三月遣歸

乙酉安南陳煒遣使來朝 十二月五日乙亥申嚴

巾幘之禁 甲辰周王橚棄國居鳳陽謫遷雲南

練河南山陝兵遼東簡馬步各一萬聽北征 丁未

討平把撒川番賊 己酉授六尚局官官勅 庚戌

魯王植薨 甲寅以浙江鹽引給大寧軍儲 倭舡
十二入山東艾子口劫掠捕斬七人遁去 丙辰禮
儀司丞古里奇等出塞訪故元丞相咬住太尉乃兒
不等所在 白虹貫日 富川縣逃吏糾賊爲亂殺
知縣徐原善等韓觀遣兵討斬之 招諭故元和林
殘孽 高麗入貢 徵士梁寅卒 是月高麗李成
桂廢其主王昌立昌國院君王瑤

洪武二十三年庚午正月乙丑朔命周王長子有燾監

國

初周王徙雲南命豫王
桂居其地至是召還

丙寅更造奉先殿祭器

肅清逆黨勲臣凡五十七人 蜀王椿之國成都

詔晉王 文皇征元乃兒不花咬住等 焚惑入

南斗 傅友德為征虜前將軍率諸將聽 文皇節

制 陞五軍斷事官秩正五品 召還指揮蔣旺等

雲都知縣查九中奏旺等擅發民丁討
山賊傷農害民召還令有司招降之 倭由浙江

穿山浦登岸殺掠百戶單正不即勦捕坐誅 信國

公湯和自鳳陽來朝 得疾居京師 庚辰貴州蠻作亂討

平之 進士王希曾請終出母之喪不許 辛巳降

學士劉三吾為國子博士侍講學士葛鈞為助教 授經

晉世子怠情尋復職 以韃靼安童為刑部尚書 西番作亂

藍玉往大渡河擊之 上諭禮部高麗限山隔海廢

立事真偽未知聽其所為務咨國人知之

高麗再奏王瑤係本

宗當立故有此論

詔高麗人在遼東貿遷者勿禁

一戶

二軍者免其一

故元平章把都帖木兒等來降

令就

水草便利地居住

諭諸將會兵北征

東川侯胡海討雪

都山賊

許潮州補戍生員陳質卒業

已丑造點

鋼長鎗付京城各門守衛

從征千百戶以應襲子

弟領後事無者總小旗領之

辛卯遣都御史古思

帖木兒諭故元丞相咬住等

增江北養馬人戶

以五

戶養一馬

定竈戶計丁辨鹽

每丁每歲辨小鹽十六引引二百斤兩浙復鹽工丁

減半先籍民認充竈戶故紀者

二月三日丁酉祭酒宋訥卒

庚

子考定王國合祀山川 六科失記旨意增減失實

覆軍籍不明坐下獄 癸卯有給事中彭與民與民父九

等來朝陳情引罪 上宥之同犯者十七人皆獲免九霄事卒命有司歸其喪 甲辰論晉

王 文皇備虜 戊申藍玉討西番平之 擒龍川

賊蘇文山等誅之 壬子以隱士吳敦義為陝西叅

政 定有司過誤一犯至三犯皆記罪復職 民戶

米對撥官軍俸糧先行應天至是普行 命六科給事中父兄

伯叔來朝觀政歸告諭鄉里子弟使為善無犯法人

予鈔遣還 戊午宥沅陵縣主簿張傑當罰輸作以母賀氏元未

守節教子宥 庚午逮治千戶虞讓子瑞嘗酒不習成事并成

之加祿終養

輸武臣子弟犯者發邊修傳

癸亥誅河南妖寇朱黃頭等 藍

玉克散毛洞擒土酋而下萬餘人 阿資既平置陸

梁衛 築歸德黃河堤 三月二日乙丑 文皇率

諸大將出古北口征虜 申定官民服飾 以臨洮

僧巴竹領占爲尚師 部院歷事官三年無過者給

全俸一年者給伴俸 庚午改公主府家令司爲中

使司 內臣爲之 雄武侯周武卒于河南 定公侯卒葬

輟朝禮 諭山東河南春夏貸粟秋成還官 郝從

道爲大理試右少卿趙居仁爲試左通議 人才侍朝觀政者

癸巳 文皇進兵桑大雩至進都壓虜營故元太

尉乃兒不花丞相咬住等皆降告捷 晉王不見虜

而還 四月甲午朔潭王梓與其妃自焚死無子國

除 奪吉安侯陸仲亨臨江侯陳德舊賜公田

家人犯法

丁酉詔濱海衛所每百戶置船二隻通海上巡檢

司如之 庚子置京師外城十五門 改龍里長官

司爲衛 甲辰暹羅斛國進香十七萬餘觔 閏四

月癸亥 額公部元降將至京徙部落于關南 安

南人貢以非期却之 辛未授故元太尉乃兒不花

等官 國子生李約父元恭以事謫廣東吏老疾不

能任事約乞代釋之 故元國公藏卜來降 停期

年奔喪之制 丙子詔滁陽等縣馬戶田租民田全

免官田減半 藍玉平施南忠建二司叛蠻 辛卯

討廣東黃田山賊袁萬山等平之 丙戌免湖廣江

西廣東被寇逋祖 戊子賜公侯鈔建先塋神道碑

法司官年老者賜馬 五月癸巳朔互易各部尚

書俱賜誥仍命京官三年皆遷調 諸公侯還鄉大

賜金銀衣鈔 丁酉御史劾奏太師李善長詔勿問

庭臣劾劾 庚子下其任佑傳于獄 訊之得實羣臣請誅善長 上不許 巳酉播州貴

州宣尉司各遣子來朝入太學許之 命各州縣置

倉糴穀擇土民年高篤實者主之備賑給 命所召

老人賚鈔往各處催糴 乙卯太師李善長自縊卹

其家

子祺駙馬都尉後卒于江浦孫茂爲指揮僉事

頒逆黨二十人姓名

于天下

六月四日乙丑宥給事中朱懋死

私毀奏劄當死

以才見宥

都勻撒毛洞蠻作亂藍玉討平之

給雲南

屯田牛種

楊州海門縣颶風三日夜壞官民廬舍

詔賑濟修築隄岸

戊辰傳友德師還

定馬戶產

一駒賜鈔十錠種馬死及駒不及數者勿問

已巳

召鳳翔侯張龍于雲南

宥南海主簿周德任

有罪當徒

妻高氏訴願沒官贖罪宥之令德任于都察院書寫冀自新

施南土官覃大勝

作亂藍玉討擒之

定公侯鐵冊軍

每人給軍一百十二人以百戶

領之自耕新食籍
定錢冊因以爲名

宥右軍都督僉事王庸

有罪自陳過惡

送雲南代其父屯
守尋命爲指揮使

左都詹徽兼吏部尚書

丙戌

定司經局官制

庚寅命京衛各置軍器庫

尚寶

司卿楊順往雲南尚寶司丞楊鎮往貴州閱試各衛

軍馬

七月辛卯朔寬卹竈戶

追還軍衛水馬符

驗風潮築崇明海門隄岸

河南封丘縣民劉安

壽進禁書數十種

癸卯景川侯曹震理四川軍務

甲辰高麗送故元伯伯太子男六十奴來京

從上所徵

丙午太僕少卿祝孟獻往滁陽添省收監務從民

便丁未定内外文官試職實授借除等第

辛亥

勅法司在外死罪真犯具罪狀申刑部詳議既定遣

官審決雜犯免死者送京輸作 乙卯安陸侯吳傑

往長沙練兵

籍土軍萬八千人
練平靖威清諸衛

戊午鑄晉世子妃

印

制視王妃黃金十五兩方寸龜紐
篆文曰晉世子妃之印除世子同

詔五軍都督

府清理天下衛所將卒部伍 八月庚申朔吏典役

滿三年悉赴京師 重造黃冊 航海侯張赫卒

己巳改鑄監察御史印

先是分察院為河南等十二
道每道鑄印二文曰經憲糾

謬守院御史掌其一藏內府有事則受以出復命
則納之至是副都袁泰言各道印篆相類乃命改其
制如曰浙江道則曰浙江道監察御史餘道並同其
差出者加巡按二字惟浙江江西直隸府州事繁每
道置印十
餘皆五

壬申涼國公至京以功賞資加祿米五

百石尋還鄉賜金銀加厚 詔選舉毋錄隸卒 甲

戊復命兵部清驛傳符驗限其請給之數 賑河南

山東北平水災 考定使節之制 用竹長三尺 毫牛尾三重 壬

午赦監守倉糧陳腐者之罪 己丑置北平行都司

儒學 九月庚寅朔日食 賜應天考試官同考試

官及舉人鈔錠 監生生員不中者 亦有賜勉以進學 加封中山岐陽

二王三代皆王爵從開平之例公侯亦如之 置大

寧等衛儒學 戊戌分戶部四部爲十二部雲南以

四川部兼領之 刑部 亦同 通政叅議嚴震直爲戶部郎

中 封都督秦敬爲徽先伯 錄其父世 傑之功 丙午御史

夏長文劾副都袁泰 上宥泰陞長文左僉都 都

督宋晟練涼州兵備虜 壬子豫府長史輔導失職

皆免官 癸丑定在外各衙門公宴節錢 賑湖廣

饑民 詔景川侯曹震疏四川永寧水道二百七十

餘處 十月乙未朔置倒鈔庫聽民換易 定鈔

一貫准錢一千文 雪都賊夏三等皆平 戊寅詔

刻行韻會 時洪武正韻頒行已久以字義音切未盡

轉十孫吾與所編韻書本宋儒貴公詔古今韻會凡

切字必祖三十六母音韻歸一以其書進 上善之

賜名刻 而頒行 辛巳賜劉基次子仲璟及孫鴈織金文綺
鞍馬省墓 置閣門使卽以劉仲璟等爲之 申嚴

交通外番之禁 封都督張鈐永定侯

銓定遠人積功征雲南尤

著

十一月乙丑朔申明善惡勸懲天下 戊戌改

置太僕牧監地方 己亥錦衣等二十衛于江北岸

各置牧馬草場 耆民百六十七人授府州縣官歷

事諸司 茹瑺試兵部尚書 丙辰賑河南水災

十二月己未朔諭刑部尚書楊靖犯十惡并殺人論

死餘皆輸粟北邊自贖力不及者或二人或三人共

之 高麗貢玳瑁筆

分賜學士劉三五等

壬申罷天下有司

織段匹布政司造弓箭皆于後湖置局造之 甲戌

福建進南唐書金史蘇轍古文

先是上令購書凡行三書先成進之

禮部侍郎凌漢有罪免官

請居京師許之未幾復官

刑部尚

書楊靖以郭桓盜糧事當從坐詔勿問 戊寅遣國

子生鍾必興等十四人視山東流民令有司厚加存

卹 賑廣西所屬州縣驛遞運夫 西番諸國入貢

國子生陳通奏祖罪謫陝西年七十無子孫侍養

乞赦許之 賑山東水災 捕斬蒙化叛賊高天惠

等

西平侯奏蒙化時時為梗景東百夷要衝俱當置衛從之

是歲選天下耆民

才知可用者得一千九百十六人 榮陽侯鄭遇春

卒

洪武二十四年辛未正月己丑朔 定國子監官品秋

立限清查勘合 乙未築上虞海堤改造石閘

雲南遷謫軍官給半俸 庚子歲歲免山東青兗登

萊濟南五府糧課 戊申穎公佩征虜大將軍印率

諸將練兵備邊 宥曲阜知縣孔希文

水災不報當逮宥之加賤

北平叅議周倬請增驛馬及白河浮梁從之 二

月戊午朔西域請以馬互市不許至者送京師 擢

景州學正胡季安爲祭酒 詔武臣得死罪而有者

給半祿餘罪全給死而有子孫亦給 命種桐棕漆

樹于朝陽門外各五十萬餘株

備運船之用

江南開曠

地各種苜蓿 三月戊子朔日食 己丑詔高麗市

馬萬匹索閭人二百

乙未武靖伯葉昇練兵甘肅

丁酉策貢士許觀等三十一人卽賜觀張顯宗吳

慎言等及第出身有差

觀鄉會皆第一

劉基孫鷹襲爵

增祿

共五百石

以太僕少卿陳襲爲兩淮運使

襲壽之子一日襲陷

齊王榑同總兵出開原圍獵

四月戊午朔以虜遁

設大寧都司守備并山海一帶守關士卒悉興屯田

辛酉宥靈壁縣丞周榮

逮繫父老赴闕保舉有之陽鈔及宴還職

聽

流民所在占籍

戊辰鑄渾天儀成

江北虎害哈

散率衆往捕

辛未册皇子櫛爲慶王權寧王梗岷

王穗谷王松韓王模濬王楹安王桎唐王棟鄂王模

伊王 罷承勅郎改郎張斌梅福楊禮爲御史 江

寧縣沙州修築土城 詔更定侍班官員并製碑文

大書品級立丹墀左右 丙子彗星見 戊寅定有

罪罰役充京官皂隸一年滿役釋之 文皇率傅友德等收

捕番將 乙酉宥齊東知縣鄭敏以罪被逮肅民孟德等請開保其勤

廉賜鈔復官 陞南雄府同知吉原爲本府知府原本老

知以鎮撫受命脫獄不肯署 五月丁亥朔諭兵部

尚書茹常議給布政以下官乘馬 巳丑復停造寶

鈔 辛卯端午節宴羣臣于奉天門幸龍光山閱射

定文武官封贈 戊戌漢衛谷慶寧岷六王往臨

清訓練軍士并設護衛 癸卯申明鈔法 甲辰浚

鄆縣東錢湖灌田 乙巳國子生滕佑壽爲觀察使

節書日 國子生于在京各衛講武臣大誥 戊申

捕誅分空縣妖民 甲寅賑北平水災 六月二日

丁巳清理釋道二教 定有司朔望謁文廟禮 乙

未詔部院同翰林儒臣參考歷代禮制 更定冠服

居室器用制度 集國初以來禮制斟酌損益更定行之 選歷事官往

各布政司整飭庶務勸學求才責成有司 甲子又

早清理內外刑獄 定軍官替襲封贈之制 并任爵及養子

得 儒學訓導位雜職之上 甲戌印通鑑史記元

史賜諸王 頒書籍于北方學校 七月丙戌朔

東川侯胡海卒 天下僧道庵觀非舊額者悉毀之

戊子太白歲星變或填星聚翼宿 庚寅刑部都

察院閣門使觀察使侍班以備百官奏事有闕遺者

隨事規正 徙天下富民五千三百戶實京師 辛

卯免應天太平寧國鎮江廣德五府州官租之半上諭

戶部以因初起兵軍國所需皆五府民然給放也 許闕役吏守喪 大風

雨雷火江寧衛草場災 戊申禁罪人引証良善

八月乙卯朔秦王檄有罪召還京師十二月 置天

下諸司架閣庫皮業廣設吏掌之 乙卯命 皇太

子巡撫陝西

釋文式當臣是從經
通府縣以宿頓同

增六部司務祿

米 高麗進市馬一千五百疋 辛未更定雲南鹽

法 癸酉黃巖縣海盜張阿馬引倭夷入寇擊斬之

乙亥都督僉事劉真宋晟征哈梅里破之 久陰

不用主陰謀事遣使諭 皇太子 雲南土酋兩龍

等叛討平之 壬午罷耆民糴糧 九月乙酉朔

科舉歲貢于大誥內出題 主事寬徹等使西域

丙戌誅寧波妖僧持白蓮教者 壬辰宋公馮勝子

諒殺人

以功臣
子免死

癸巳 皇太子至西安 庚子罷

造建寧歲貢礬造龍團茶惟採芽茶以進 罷閩門

使改尤艮徐曰莊等為禮部主事 是月倭寇雷州

百戶李玉戰死錄其子為千戶 復以吏部主事周

舟為新化縣丞

初丞新化有善政後宴而遣之

十月甲寅朔遣元

臣承檄院使康完者篤等使高麗

以王瑤新立故也

勅宋

穎涼三公陝西練兵 定生員巾服之制 壬戌南

豐縣典史馮堅上九事嘉之擢僉都御史

一日順養聖躬為民

社之禮願清心省事勿預細務二曰懷釋老成為諸

王之福願各王府官正色直言匡救缺失三曰換

狄為中國之福願務農講武屯戍邊圉以逸待勞四

日精遇有司為生民之福願選廉正之士任以方面

俾察所屬五曰褒封祀典以勵忠烈願于歷代忠臣

烈士有功德于民者量加封諡六曰減省宦官以防

內權願鑒諸史籍裁擇冗員勿令于政防異日弄權

之患七曰調易邊將以防外患願守邊之將必察其

可託心腹然後假以兵權必時退處謂勿令久居其任八日採訪廉能以懲貪墨願廣布耳目之臣公聽並觀以明黜陟九日增置關防以革奸

丙寅湖廣

寶慶衛舍人倪基上四事嘉之命叅贊清平軍衛事

一任用武臣二制民恒產

十一月癸未朔占城入

貢

上以其國臣開勝發主自立紀之

癸丑禮部論天下生員兼讀

誥律 丙辰宋公等請勒兵巡邊 上諭天象未利

征討俟後命 江北去官道二三里各置草場牧馬

賞民間子弟能誦大誥者

凡十九萬三千四百餘人

天下郡

縣更造賦役黃冊成 定外官節令行禮未入流者

皆具公服 庚戌 皇太子還自陝西 齊王來朝

賑河南水災 五開苗蠻作亂討平之 十二月

癸酉朔以詹徽爲吏部尚書仍兼左都 高麗權國

事王瑤遣其子定成君奭入賀正旦 戊寅國子生

夏倫楊砥購書還頒賜北方儒學 工匠役內府者

皆給鈔 安南入貢 辛巳阿賚復叛討降之 景

川侯曹震治四川道路 震至瀘州按視有支河通永寧界乃鑿石削岸止接其地

以通漕運復開陸路作驛舍郵亭駕橋立棧自茂州一道至松藩一道至貴州以達保寧還陝西

更六科給事中品秩

洪武二十五年壬申正月癸未朔 戊子周王橐來朝

庚寅開封河患修築仍免田租 癸巳定歲貢府

學歲二人州二歲三人縣歲一人 何福討都勻蠻

平之并以霽翠妻奢香桀營請討 上以非稔惡不

許 丙申送故元梁王孫愛顏帖木兒于高麗

轉送就羅

國依其親戚

辛卯宥死罪輸粟千邊 壬寅晉王 文

皇楚王湘王來朝 甲辰衛卒吳英父得罪自請沒

官贖父宥之 靖江王守謙薨

屢訓戒不從禁錮卒以其子贊儀為世子

二月壬子朔傳制遣使持節等儀皆由東階出

歲饑免濟南青兗登萊魚課 召在外公侯伯還京

師凡十二人 都督茅鼎等俘五開叛酋 甲子學

較兼習射與書數之法 癸酉詔將較流罪以下誦

戍雲貴者皆復官 令天下衛卒以十之七屯種其

三城守 賜京公藍玉米千五百石 復寶鈔行用

庫尋罷 宥曹縣主簿劉郁以耆民保其勤廉復官 穎公請

懷遠等縣官地爲園 上諭以公儀休事止之一三

月壬午朔罷民間歲輸馬草 癸未宋公等往山陝

河南修城池閱士馬 庚寅改封豫王桂爲代子漢

王模爲肅王衛王植爲遼王 罷築鳳陽城 癸卯

宥兩浙運使陳夔死罪坐胡惟庸以元忠臣福壽子蕭居雲南勅西平侯善遇

改將作司爲管繕所 庚戌四川敘州山賊作亂

討平之 四月壬子朔涼公藍玉征西番罕東地

癸丑建昌蠻叛諸將擊敗之 丁卯申肅朝儀 丙

子 皇太子薨 印州蠻叛 詔都督聶緯瞿能等

討故元將月魯帖木兒仍受藍玉節制 五月辛巳

朔招諭河州諸番族以茶易馬皆降之 高麗入貢

謝賜禮幣

時李成桂廢王直自立其國遂爲所據

六月辛亥朔 戊

午封都督俞通淵爲越巂侯

念父兄之功

丁卯西平侯

沐英卒 七月庚辰朔 癸未瞿能追捕叛寇破之

巳丑貴州苗寨悉平 庚辰陞甯正都督僉事鎮

雲南馮誠何福副之 治貴州險阻開道路 戊戌

雲南土官王春作亂討降之 丁未改詹事院爲府

仍以致仕兵部尚書唐鐸兼詹事 巳酉命商人支

鹽入海者勿禁 謫岢嵐州學正吳從權山陰縣教

諭張恒于極邊

給由入京 無所知

上問以民事辭以教學 上曰豈無休服民情世務

一無譚及繁言不知 許也遂竄榜諭爲戒

遷江浦縣治于江北新開路

口 八月四日癸丑代王桂之國大同 巳未江夏

侯周德興坐誅

惟簿不修

庚申祔塋 皇太子于孝陵

之東謚曰懿文 邊將破虜獻所獲于京師擇可用

卯罕阿魯溫沙二人令賫榜北還諭虜 丙寅國子

監闕射圃賜諸生弓矢 丁卯宋公馮勝穎公傅友

德徃山西大同立軍衛民戶四丁抽一屯田守禦

孝節十一人 壬辰平富州蠻寇 建宗人府五府

六部太常司官署列朝門外東西向

惟三法司仍置太平門之外

甲戌仍歲給公侯祿歸舊賜田于官 丙子靖遠

侯葉昇坐胡黨誅 武臣謫戍太寧雲貴者皆復官

上曰此皆從朕萬死一生不戒而犯朕不忍置于法今既有年必自新矣

是月頒醒貪

錄于內外諸司

錄百官歲俸之數計穀幾何當出米幾何計田幾何乃出穀幾何較農夫

用力多寡之勤勞而為之書名曰醒貪錄

九月己卯朔 辛巳戶部左

侍郎陳宗禮大理寺丞曹瑾罪當杖降官命免杖工

部辨事

戊子免督府經歷唐奉先罪

請托為楊靖所奏 上以

進士紀過

鑄各按察分司印凡四十八道 降太常少

卿許昇刑部主事陞典簿劉質代之

上問祭祀禮儀昇不能對仲實

代對甚詳故也

庚辰册

皇第三孫允攸爲

皇太孫

合諸王所生稱第三實懿文

太子次子

高麗大將軍李成桂自立來奏

仍諭禮部行咨如前

工部尚書奏達有罪自殺 乙巳分監生往各布政

司考較諸司案牘

戊申疏深陽銀墅東壩河道

除方孝孺漢中教授 十月巳酉朔申諭較試軍士

之令 辛酉修築陽武河防 癸亥正陽門外度地

爲上林苑

事以妨民業止之

巳巳追封西平侯沐英爲黔

寧昭靖王子春襲封西平侯鎮雲南召還甯正等

訪求精通曆數之人 監生周敬心上疏請修德守

大寶嘉之 十一月戊寅朔置海寧萊州大小總寨

備倭 丙寅景川侯曹震奏四川鹽課鹽商糧儲建

衛軍器五事皆從之 戊子改建大內金水橋成

己丑天寒罷開封治河之役 甲午涼公藍玉進兵

栢興州誘致月魯帖木花伏誅玉請藉民爲軍築城

寢之 置貴州宣慰司儒學 重定文武官品階勲

祿之制醫學陰陽儒道官不給祿 十二月丁未朔 勅宋穎二

公備邊 丙辰宥安陸州知州余彥誠以征稅愆期當逮州民楊

么詣闕奏其愛民緩征特宥之 知事周昌請寬宥小過從之 籍

廣東海島人爲兵 乙丑都督僉事楊春討靖州蠻

平之 收制鐵券賜諸公侯 壬申宋公馮勝及諸

侯伯還朝

先是往山西等處精
民兵屯田凡十六衛

甲戌諸將兼東宮

師保官并給俸

丙子五府諭各都指揮使以軍馬

糧儲之數及開隘衝要山川險易道里遠近悉繪圖

以聞 閏十二月九日乙酉高麗請更國號 上以

朝鮮名最美卽以命之 辛卯更定巡檢考課之法

壬辰戶部尚書趙勉有罪下獄學士劉三吾以婦

父自陳當退從之 命僧錄司造周知冊頒天下

京師

百福寺隱囚徒逃幸易姓名爲僧遊食四方於是命
造冊及在外府州縣寺院僧名以次編之其年月與

所授慶原字
號俱載其下

宋穎二公往山西河南練軍 甲辰

趙勉伏誅 刑尚書楊靖鞠獄碎大珠 上嘉之

宥死囚輸粟于邊 定按察僉事坐長史之上 是

歲建端門承天門樓及長安東西二門 琉球入貢

遣子及國相子入國學

補遺

二十年正月焚錦衣衛刑具先是天下官民有犯者
俱命屬法司其有重罪逮至京者或令收繫錦衣衛
審實情辭用事者因以非法凌虐 上聞之怒命焚

之 左都御史詹徽奏軍人犯罪當杖其人嘗兩得
罪宥免今復不悛宜并罪論誅徽後 上以其用刑
不信止杖遣之 九月北平布政使請自河間景州
至永平撫寧馬驛吳橋至通州木驛各增馬及船從
之 籍杭湖嚴金華寧波紹興及徽州市民富實者
出克鳳陽宿州抵河南鄭州驛馬戶

十一月河南府儒學訓導葛鈞爲翰林院侍講學士
十二月封胡顯爲梁國公臨淮人父泉都督僉事顯
代指揮任遷都指揮以姑爲 上妃生楚王從護衛
征洞蠻累功至都督僉事至是推恩封祿三千石世

熊仍侍王建文二年削爵安置臨襄永樂元年仍爲
護衛指揮僉事進同知十三年卒善襲指揮

二十二年二月編修蘇伯衡李叔荆爲會試考官

二十三年二月雄武侯周武卒

三月舳舻侯朱壽二千典能俱坐法當死 上以壽
勲勞特宥之

五月頒逆黨二十人姓名于天下韓國公李善長列
侯胡美唐勝宗陸仲亨費聚已故侯顧時陳德華雲
龍王志楊璟朱亮祖梅思祖薛顯陸聚金朝興黃彬
都督毛驤陳萬亮耿忠於彪

九月以福建右叅政王鉅爲浙江左布政使

十一月置景東蒙化二衛西平侯沐英奏景東百夷
與衝蒙化累梗命俱當置衛從以錦衣指揮僉事胡
常守景東府軍前衛指揮僉事李聚守蒙化 國子
生鍾必典等十四人巡視山東流民

二十四年七月征虜將軍傅友德率師復吐黑嶺寒
山至磨鎌子海蘭尖山追虜酋札都深入黑松林之
地野人所居熊皮山俺八達元刺罕大獲人馬而還
貢士彭友信爲北平布政使時友信以貢至京朝

見 上口占虹霓詩二句曰誰把青紅線兩條和雲

和雨繫天腰 命續之友信應聲曰吾皇昨夜鑾輿
出萬里長空駕玉橋 上曰此秀才有學有行特命
任之

友信湖廣人武云
上發行選之

二十五年二月凡親王及功臣賜謚令禮部行翰林
院擬奏請 旨

四月陞寧夏衛副千戶何忠指揮僉事先忠以轄軍
缺伍削官以郭德代之忠詣闕自陳 上曰爾非故
萬戶何勝孫乎對曰是也 上曰往爾祖克滌和二
州與有勞及渡江爾父震亦從朕有功俱陣亡可念
貸忠罪陞是職世襲

七月普定侯陳桓往陝西修連雲棧入四川 都督
周興討故元逆臣也速迭兒大敗之先是藍玉北征
虜王脫古思帖木兒走至也速迭兒之地爲所殺其
部屬皆來附至是興等追至徹上兒山大破其衆